



IČO: 25261549
Zborovska 512/40, 150 00 Praha 5
Češka Republika



OBČANSKÉ SDRUŽENÍ PRAHA



Tel: 420 774 888922
www.lastavica.cz
Email: lastavica@lastavica.cz

Dragi prijatelji, poštovane kolege.

Imam veliko zadovoljstvo i čast da Vas pozdravim i pozovem na saradnju i podršku kongresu BMI, koje će se održati 28-29.11.2011 u Sarajevu po pokroviteljstvom predsjednika predsjedništva, gosp. Željke Komšić, a uz podršku ambasade ČR u Sarajevu i ambasade BiH u Pragu..

Kongres se održava svake godine pod okriljem udruženja ljekara porijeklom iz BiH (Bosansko-hercegovačka medicínská iniciativa, BMI). Organizator kongresa je ove godine udruženje građana Lastavica iz Praga u saradnji sa ambasadam BiH u Pragu. (više na www.lastavica.cz).

*Češku delegaciju čine **obadva dekana** medicinskih fakulteta Karlovog Univerziteta u Pragu, **dekan** medicinskog fakulteta u Ostravi, **nekoliko profesora** medicine iz FN Motol u Pragu, kao i grupe specijalista hirurgije, ortopedije, traumatologije, ginekologije, dermatologije, neurologije i kliničke psihologije. Još ugovaramo dolazak **rektora** Karlovog Univerziteta.*

U delegaciju smo uključili i uticajne češke političke aktiviste.

Delegacija ljekara porijeklom iz BiH je sastavljena od specialista ne samo iz Češke, ali i iz Njemačke, Švicarske, Francuske, Engleske, USA i Holandije.

Biće održana serija predavanja, workshopa i sastanaka, sa ciljem da se iznadju mogućnosti ostvarivanja i produbljivanja saradnje. Akcenat je na strukama koje su deficitarne u BiH (urgentna medicina, traumatologija, umjetna oplodnja, klinička psihologija, transplantacija, dječija onkologija i liječenje opekotina) ili koje se pojavljuju kao sve veći problemi u buducnosti (liječenje melanoma, liječenje zavisnosti i njega starih lica).

*Podršku nam je izrazio i bivši češki predsjednik **Vaclav Havel**, koji zbog lošeg zdravstvenog stanja nije u stanju putovati.*

Ciljevi kongresa su:

- *Povezivanje medicinskih fakulteta u BiH I ČR, kao početak šire medicinske i medjuuniverzitetske saradnje.*
- *Organizovanje razmjene studenata, ljekara na specijalizaciji i specijalista ČR-BiH, ali i drugih zainteresovanih učesnika.*
- *Unaprijdjenje saradnje u medicinskoj naučno-izdavačkoj djelatnosti.*
- *Pokušaj uvodjenja BiH medicine u zajedničke naučne projekte EU.*

Nadam se da ćete nam pomoci u organizaciji i kasnije u realizaciji dogovora i zaključaka kongresa.

U prilogu šaljem detalje o do sada potvrđenim učenicima kongresa.

*U ime udruženja građana Lastavica iz Praga
S poštovanjem i pozdravom*

Dr. Edib Jaganjac